


清代起居注冊


國立故宮博物院珍藏



同治朝第二十二冊

清代起居注冊

國立故宮博物院珍藏



同治朝

第二十三冊

同治五年七月上……	一二五六五
同治五年七月下……	一二六二三
同治五年八月上……	一二七〇九
同治五年八月下……	一二八六一
同治五年九月上……	一二九一三
同治五年九月下……	一三〇一五

清代起居注冊——同治朝

(清)桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經銷

I. (清)桂清楊等奉敕撰

654.78
7436
72

NT\$ 86,000.00

7
2
·
1
2
·
0
6
5
0

·
8
9
0
0
7
1
8
0
·

清代起居注冊

同治朝第二十三冊

資料提供者 國立故宮博物院
景印者 聯合報文化基金會國學文獻館
發行人 王 必 成
發行者 聯經出版事業公司

臺北市忠孝東路四段五五七號
電話：七六〇一六一一三
郵撥：一〇〇五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

同治五年歲次丙寅七月初一日丁巳

上詣綏履殿

母后皇太后前請安平安室

聖母皇太后前請安午刻

奉

母后皇太后

聖母皇太后幸漱芳齋看戲侍午膳內閣奉

諭旨劉長佑奏河神靈應請頒給扁額一摺直隸
長垣縣東關舊有

大王廟一座咸豐十一年間賊兩次履冰渡河
冰開賊陷同治三四年間該縣興修隄埝禱於
神廟晴雨應時埝工得以歲事捍患禦灾備著
靈應著南書房翰林院恭書扁額一方交劉長
佑祇領敬謹懸挂長垣縣

大王廟以答

神庥又奉

諭旨此案著交喬松年督同臬司親提人證卷宗
秉公嚴訊確情按律定擬具奏原告生員劉劭
南該部照例解往備質又奉

諭旨此案著交楊岳斌督同臬司親提人證卷宗
秉公研訊確情按律定擬具奏原告民人陳仲

全該部照例解往備質是日太常寺題二十五

日

仁宗睿皇帝忌辰祭

昌陵奉

諭旨遣奕樑行禮

是日

起居注官訥仁翁同龢

初二日戊午

上詣綏履殿

母后皇太后前請安平安室

聖母皇太后前請安內閣奉

諭旨馬新貽奏續查失事各員弁分別定擬開單

呈覽一摺咸豐十一年間浙江省城失守各屬
相繼淪陷失事各員弁本應照例治罪惟據該

撫聲稱該員弁或困守孤城糧盡被陷或無城
可守旋即集圖克復或先期出城事後續著勞
績情節不同自應分別辦理所有單開之署樂
清縣知縣孫家丞署紹興左營守備汪紹琦均
著革職免其治罪留營效力護紹興協右營都
司千總蔣式璋著免其置議署處州鎮標中營
守備把總黃鵬飛署處州鎮標右營守備馬兆

榮均著革職留營效力撫標左營千總陳定國
著革職毋庸留營該部知道單併發又奉

諭旨此案著交萬青藜卞寶第親提人證卷宗秉
公嚴訊確情按律定擬具奏原告民張本該部
照例解往備質又奉

諭旨此案著交崇實駱秉章督同臬司親提人證
卷宗秉公研訊按律定擬具奏原告民人盧人

和該部照例解往備質

是日

起居注官銘安李文田

初三日己未

上詣綏履殿

母后皇太后前請安平安室

聖母皇太后前請安內閣奉

諭旨純堪著改派守護

東陵裕恪著改派守護

西陵仍著各按原派日期扣足三年奏請更換又奉

諭旨載鋼等奏請將運腳等項銀兩速為撥發一

摺

東陵兵丁應需米石一切運腳津貼等項銀兩向由

直隸藩庫咨領撥給現在南糧業已抵通經載

鋼等派員赴省領取此項銀兩何以守候一月
尚未撥發著劉長佑督飭藩司迅將運腳等項
銀兩全數撥給毋再延宕又奉

諭旨左宗棠徐宗幹奏臺灣軍功人員保獎過優
請旨撤銷一摺福建候補孫丞余辰隨同署總
兵曾元福在臺灣軍營辦理文案業經該署總
兵曾保請免補縣丞以知縣留於福建即補復

經層遞保獎翎枝升階至知府遇缺即補並加
道銜經吏部行文覈駁該員不候本省督撫查
辦輒自行遣丁赴部具呈請將原保各案覈准
吏部復經據呈准行悉照原保辦理現經左宗
棠等查明該員遞保各案多係冒濫所有余辰
原保免補同知直隸州知州知府道銜並請戴
用花翎之處均著撤銷仍著以知縣歸部選用

毋庸留於福建候補署臺灣鎮總兵副將曾元
福保舉人員未能覈實著交部議處至吏部于
余辰遞保各案既經行文查駁何以輒憑余辰
遣抱呈詞率行議准其中顯有情弊著吏部堂
官確切查明據實具奏毋稍迴護

是日

起居注官紹祺王祖培

初四日庚申

上詣綏履殿

母后皇太后前請安平室

聖母皇太后前請安內閣奉

諭旨此次前往朝鮮敕封王妃著派侍郎魁齡為
正使委散秩大臣希元為副使又奉

諭旨給事中趙樹吉奏請申明捐輸銀兩概不准

援案請賞舉人並請將捐生楊寶銘賞給舉人
之案另行覈獎一摺著該部議奏又奉

諭旨訥爾濟等奏擊賊獲勝出力官兵民勇開單
請獎一摺本年五月初一日日哈密回匪攻撲
巴里坤城垣經訥爾濟等督飭滿漢官兵民勇
協力奮擊賊匪大敗狂奔連獲勝仗尚屬著有
微勞自應量予獎勵所有單開之佐領達散布